

linis angustioribus, superioribus linearibus abbreviatis integris; caule tenui, erecto, plerumque a basi ramoso, ramis valde patentibus etiam divaricatis.

Hab. in insulis Canariensibus.

Species capitulis parvis, dilute luteis, habitu gracili divaricato, caule patenter ramoso conspicua.

TOLPIS PALLIDIFLORA, calyculi foliolis involucrum valde superantibus; capitulis concoloribus, pallide sulfureis, ligulis exterioribus involucri duplo longioribus; foliis breviter et sat remote dentatis, radicalibus subcuneatis oblongatis apice obtuso subapiculatis, caulinis inferioribus obverse lanceolatis, superioribus linearibus integris; caule gracilescente, erecto, ramis erecto-patulis.

Hab. in incultis Algeriæ: prope Constantinam, ex dom. A. Joannon.

A præcedente differt foliis latioribus et obtusioribus, breviter et remote dentatis, capitulis paulo majoribus, pallidius luteis, involucri minus furfuraceo, caulibusque minus ramosis.

TOLPIS CONCOLOR, calyculi foliolis involucrum paulo excedentibus; capitulis concoloribus, ligulis sulfureis, exterioribus involucri superantibus; foliis breviter et sat crebre dentatis, radicalibus oblongo-lanceolatis, apice acutis, caulinis angustioribus, superioribus sublinearibus integris; caule erecto, superne tantum vel passim a basi ramoso, ramis arrectis substrictis modice patulis.

Hab. in incultis Galliæ australis: *Béziers (Hérault), etc.*

Planta plerumque stricte erecta, habitu proceriore, foliis latiusculis breviter et crebre dentatis capitulisque intensius luteis ab antecedente distinguenda.

TOLPIS MACRODONTA, calyculi foliolis involucri paulo excedentibus; capitulis concoloribus, ligulis sulfureis, exterioribus

involucrum duplo superantibus; foliis profunde inciso-dentatis pinnatifidisve, radicalibus obverse et anguste oblongo-lanceolatis, apice subacutis, caulinis angustioribus, superioribus linearibus integris apice attenuatis; caule erecto, a basi vel superne tantum ramoso, ramis erecto-patulis subdiffusis.

Hab. in incultis Hispaniæ occidentalis: circa *Oviedo*.

A *T. concolore* differt foliis valde angustioribus et profundius dentatis, habitu tenuiore. Ligulæ sunt lætius sulfureæ et ad apicem dentium puncto rubello plerumque insignitæ, et involucrum imo apice fuscens.

TOLPIS DICHROA, calyculi foliolis involucrum vix æquantibus; capitulis discoloribus, ligulis centralibus fusco-purpureis, exterioribus sulfureis involucrum vix superantibus; foliis sat crebre dentatis, anguste oblongo-lanceolatis, apice acutis, caulinis angustioribus, superioribus linearibus integris; caule erecto, ramoso, ramis erecto-patulis apice cano-furfuraceis.

Hab. in incultis Galliæ australis: *Celles-les-Bains* prope *La Voulte (Ardèche)*.

Habitu ad *T. concolorem* accedit; ab hac autem involucro crassiore æque lato ac longo calyculum et akenii setas superante, foliisque angustioribus profundius dentatis, præter capitulum discolor, haud ægre discernitur.

TOLPIS DISCOLOR, calyculi foliolis involucrum conspicue superantibus; capitulis discoloribus, ligulis centralibus atropurpureis, exterioribus sulfureis, involucro longioribus; foliis remote inciso-dentatis, radicalibus anguste lanceolatis acutis, caulinis angustioribus, supremis basi et apice eximie attenuatis; caule erecto ramoso, ramis erecto-patulis.

Hab. in incultis Galliæ australis: *Béziers (Hérault)*.

A proxima *T. dichroa* recedit foliis angustioribus, remotius dentatis, calyculo longiore involucrum superante, ligulisque involucrum magis excedentibus.

*T. bætica* Mill., Dict., n° 3. — *T. barbata* Gært. — *Crepis barbata* L., ex parte, in Lusitania Hispaniaque crescens et etiam in Gallia, ex spe-